



Bosna i Hercegovina
Federacija Bosne i Hercegovine
Tuzlanski kanton
OPĆINA BANOVICI

Adresa: Ul. Alije Dostovića br: 1. 75290 Banovići
Tel: 00387 35 743 400 Fax: 00387 35 743 433, e-mail: opcina@banovici.gov.ba, Web: www.banovici.gov.ba

Broj: 01-04-569 /20

Datum: 08.04.2020. godine

Na osnovu člana 70. Zakona o organizaciji organa uprave u Federaciji Bosne i Hercegovine („Službene novine F BiH “ broj: 35/05), člana 15. Zakona o principima lokalne samouprave u Federaciji Bosne i Hercegovine („Službene novine F BiH “ broj 49/06), člana 43. Statuta općine Banovići („Službeni Glasnik općine Banovići “ broj: 2/20), te na osnovu Sporazuma kojeg je općina Banovići sklopila sa organizacijom Muslim Aid Sarajevo, koju zastupa Edina Šehić-Saliji, Broj:01-04-558/20 od 01.04.2020. godine, Općinski načelnik donosi:

P R A V I L N I K

O UTVRĐIVANJU USLOVA, KRITERIJA I POSTUPAKA ZA OSTVARIVANJE PRAVA NA DODJELU PLASTENIKA U PROJEKTU „ EKONOMSKO OSNAŽIVANJE SOCIJALNO I MATERIJALNO UGROŽENIH OSOBA I MLADIH OSOBA KROZ PROIZVODNJU POVRĆA U PLASTENICIMA “ ZA OPĆINU BANOVICI U 2020. GODINI

I OSNOVNE ODREDBE

Član 1.

Ovim Pravilnikom utvrđuju se uslovi, kriteriji i postupak za ostvarivanje prava na dodjelu plastenika u projektu „Ekonomsko osnaživanje socijalno i materijalno ugroženih osoba i mladih osoba kroz proizvodnju povrća u plastenicima” za općinu Banovići u 2020. godini (dalje: Projekat).

Član 2.

Pravo na učešće u Projektu imaju socijalno i materijalno ugrožene osobe i mlade osobe sa područja općine Banovići koje posjeduju vlastito poljoprivredno zemljište ili njihovi članovi porodice po pravoj liniji (majka, otac, djed...), s tim da moraju sa njima sklopiti Ugovor o zakupu ili Ugovor o korištenju, u neposrednoj blizini stambenog objekta u kojem stanuju.

II PRAVO UČEŠĆA I USLOVI ZA DODJELU PLASTENIKA

Član 3.

Podnosioc zahtjeva (aplikant) treba da ispunjava sljedeće uslove:

1. Da je nezaposlena osoba ili osoba sa minimalnm primanjima,
2. da je upisan u Registar poljoprivrednih gazdinstava i Registar klijenata u nadležnoj službi općine Banovići i da je izvršio ažuriranje podataka za 2020. godinu ili dostaviti ovjerenu izjavu da će se upisati u Registar poljoprivrednih gazdinstava i Registar klijenata prije dodjele plastenika,
3. da je podnosilac zahtjeva ili član uže porodice vlasnik ili posjednik poljoprivrednog zemljišta pogodnog za plasteničku proizvodnju,
4. da ima mogućnost navodnjavanja plastenika,
5. da u trenutku predaje zahtjeva za učešće u ovom pozivu nema više od 100 m² plastenika u svom posjedu,
6. da sufinansira 20% od nabavne cijene plastenika sa pratećom opremom (547,80 KM),
7. da obavezno prisustvuje edukaciji iz oblasti plasteničke proizvodnje u trajanju od dva dana.

Član 4.

Služba za prostorno uređenje, planiranje razvoj i poduzetništvo općine Banovići je nosilac aktivnosti vezanih za realizaciju Projekta, a Komisija koju formira općinski Načelnik vrši odabir krajnjih korisnika za dodjelu plastenika.

III KRITERIJI ZA DODJELU PLASTENIKA

Član 5.

Kriteriji za bodovanje podnosioca zahtjeva:

- Pogodnost vlastitog zemljišta za plasteničku proizvodnju i mogućnost navodnjavanja (utvrđuje Komisija za dodjelu plastenika na licu mjesta) - 1-3 boda,
- slabi uslovi (veliki nagib, udaljenost od kuće više od 200 m) – 1 bod,
- dobri uslovi (relativno veliki nagib, udaljenost od kuće do 100m) – 2 boda,
- jako dobri uslovi (blag nagib, blizu kuće, dobar pristup) – 3 boda.

Aplikanti kod kojih se na terenu utvrdi da ne posjeduju poljoprivredno zemljište pogodno za plasteničku proizvodnju (npr. veliki nagib, veličina parcele i sl.) ili nemaju mogućnosti navodnjavanja neće se bodovati, te se njihove prijave neće uzeti u razmatranje.

Dodatni bodovi po osnovu pripadnosti jednoj od dole navedenih kategorija:

- Podnosilac zahtjeva nezaposlen - 2 boda
- za svakog punoljetnog nezaposlenog člana porodice koji se nalazi na Evidenciji nezaposlenih osoba Biroa za zapošljavanje - 1 bod,

- za svakog izdržavanog člana porodice (nezaposlene osobe koje se ne nalaze na Evidenciji nezaposlenih osoba Biroa za zapošljavanje, djeca, učenici i sl.) -1 bod,
- mlade osobe životne starosti do 35 godina – 7 bodova,
- ako je podnosilac zahtjeva samohrani roditelj – 5 boda,
- dijete sa invaliditetom – 3 boda
- socijalni aspekt – bez primanja po članu domaćinstva.....7 bodova,
- socijalni aspekt - minimalna primanja po članu domaćinstva do 100 KM5 boda,
- socijalni aspekt - minimalna primanja po članu domaćinstva do 200 KM4 boda,
- socijalni aspekt - minimalna primanja po članu domaćinstva do 300 KM3 boda,
- socijalni aspekt - minimalna primanja po članu domaćinstva do 400 KM2 boda,
- socijalni aspekt - minimalna primanja po članu domaćinstva preko 400 KM0 boda,
- Socijalni aspekti i stanje na terenu.....0-4 boda

Ukoliko kandidati pri bodovanju budu imali isti broj bodova, prednost će imati mlađe osobe.

IV POTREBNA DOKUMENTACIJA

Član 6.

Podnosioci zahtjeva/aplikanti bit će obavezni dostaviti sledeću dokumentaciju:

1. Obrazac za prijavu na javni poziv,
2. CIPS prijava podnosioca zahtjeva – original ili ovjerena kopija,
3. Ovjerena kopija lične karte,
4. Ovjerena kućna lista,
5. Dokaz o nezaposlenosti kandidata izdat od strane Biroa za zapošljavanje ili potvrda da osoba nije poreski obveznik,
6. Dokaz o nezaposlenosti svih punoljetnih članova porodice izdat od strane Biroa za zapošljavanje,
7. Potvrde iz škole/fakulteta za djecu/izdržavane članove domaćinstva,
8. Potvrda o visini primanja zaposlenih članova domaćinstva, kao i potvrda o primanju penzionera ukoliko je isti član domaćinstva,
9. Vlasništvo ili posjed nad parcelom (kopija ZK izvadka ili Posjedovnog lista kao i Ugovor o zakupu),
10. Ovjerena izjava da u svom vlasništvu ili posjedu nema više od 100 m² plastenika,
11. Ovjerena izjava da će korisnik podsticaja dobiveni platenik zadržati u vlasništvu najmanje 2 godine od potpisivanja Ugovora,
12. Ovjerena izjava da podnosilac zahtjeva u posljednje 3 godine nije ostvario pravo na donaciju, dodjelu ili sufinansiranje nabavke plastenika od općine, ministarstva, humanitarnih i drugih organizacija,
13. Ovjerena izjava da će sufinansirati 20% od nabavne cijene plastenika sa pratećom opremom (547,80 KM), te da će obavezno prisustvovati edukaciji iz oblasti plateničke proizvodnje u trajanju od dva dana,

14. Dokaz da je samohrani roditelj (smrtni list ili dokaz o razvodu ili drugi dokument kojim aplikant može dokazati da je samohrani roditelj – ovo iz razloga što sa ova dva dokumenta aplikant ne može dokazati da je samohrani roditelj ukoliko je majka rodila dijete koje otac nije priznao i ne izdržava to dijete, ili dijete nepoznatog oca i dr.),
15. Potvrda o upisu u Registar poljoprivrednih gazdinstava od općinske službe prema mjestu prebivališta (fizička lica) izdate u 2020. godini, odnosno ovjerena izjava da će se upisati u Registar poljoprivrednih gazdinstava i Registar klijenata prije dodjele plastenika.

IV IZBOR KORISNIKA

Član 7.

Općina Banovići objavljuje Javni poziv za predaju zahtjeva za dodjelu plastenika. Javni poziv sadrži uslove i kriterije koje aplikant/korisnik mora ispunjavati, potrebnu dokumentaciju i rok za podnošenje zahtjeva. Izbor korisnika za dodjelu plastenika vrši se na osnovu pristiglih prijava na Javni poziv.

Član 8.

Komisiju za odabir krajnjih korisnika za dodjelu plastenika sa pratećom opremom putem sufinansiranja čine, predstavnik organizacije Muslim Aid, predstavnici općine Banovići ista broji 3. člana. Zadatak Komisije je da:

- pregleda prispjele prijave,
- evidentira kandidate koji ispunjavaju uslove iz Javnog poziva,
- obavi uviđaj na licu mjesta,
- sačini listu krajnjih korisnika na osnovu utvrđenih kriterija za bodovanje, te istu dostavi općinskom Načelniku.

Saglasnost na predloženu rang listu kandidata daje općinski Načelnik.

Rang lista odabranih kandidata se objavljuje na oglasnoj ploči Općine i službenoj Web stranici općine Banovići.

Član 9.

Izabrani kandidati potpisuju tripartitni Ugovor o dodjeli plastenika, kojim će biti regulisana sva dalja međusobna prava i obaveze.

Član 10.

Pravilnik stupa na snagu danom donošenja.



OPĆINSKI NAČELNIK

Midhat Husić